

Cartulaire de Marmoutier pour le Vendômois, Nr. 48

Nosse debebitis, si qui eritis posteri nostri Maioris scilicet huius habitatores Monasterii Sancti Martini, Gausfredum quemdam cognomento Corvenisum, XX solidorum acceptione vendidisse eidem Sancto, per manum domni Fulconis cuiusdam fratris nostri, non venditionis sed emptionis ministri, ripam aque que Glandessa dicitur, ad faciendum stagnum, ex una parte, nam ex alia, nostra erat; qui fluviolus capellam de Semita haud longe ab ea disparatus preterlabitur. Qua ex re, ad festivitatem omnium Sanctorum, solvitur a nobis census XII^ocim videlicet denariorum, quandiu guerra duraverit comitum seni reddendi, sex scilicet prefato Gausfredo, reliqui sex Matheo de Monte-aureo. Sed cum forte finita fuerit, qui auctor fuit venditionis erit et totius census recipiendi. Testes huic rei vidende seu audiende adhibentur et hec eorum nomina: Herveus frater Gausfredi – Herveus de Monaia – Rainerius homo eius – Hubertus presbyter – Guarinus clericus – Rainerius de Blesi – Fulco, Girardus, Stabilis, monachi.